

492

536

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne
privrede i infrastrukture



Bosnia and Herzegovina
Federation of Bosnia and Herzegovina
CANTON SARAJEVO
Ministry of Communal Economy and
Infrastructure

Broj: 27-05-979/17
Sarajevo, 10.04.2017. godine

SKUPŠTINA KANTONA SARAJEVO

-Ovdje-

Zastupnik **g. Amel Mekić**, na 26. Radnoj sjednici skupštine Kantona Sarajevo, održanoj dana 22.03.2017. godine, u okviru tačke Dnevnog reda, "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, postavio je zastupničko pitanje:

"Molim Vas da mi odgovorite zbog čega jako često javna rasvjeta ostaje upaljena tokom cijelog dana i ko će snositi odgovornost"

U skladu sa navedenim zastupničkim pitanjem ovo Ministarstvo daje slijedeći

- odgovor-

Planiranje održavanja i izvođenje održavanja sistema javne rasvjete Kantona Sarajevo u finansijskom i tehničkom smislu je u nadležnosti ovoga Ministarstva, koji po sistematizaciji radnih mjesta ima stručnog savjetnika za javnu rasvjetu unutar Odjeljenja kontrole nad obavljanjem poslova zajedničke komunalne potrošnje, a koji obavlja stručno-tehničke poslove iz područja javne rasvjete. Proces održavanja se vrši vanjskom uslugom ugovornih izvođača (koji su izabrani u javnom otvorenom tenderskom postupku u skladu sa Zakonom o javnim nabavkama) i KJKP Park doo, a na osnovu naloga za rad dobivenih od strane Ministarstva. Izvođači održavanja u ugovorima sa ovim Ministarstvom imaju tačno definisane parametre kvaliteta održavanja i Ministarstvo vrši nadzor izvođenja u skladu sa tehničkim normama. Kao primjer vam možemo navesti da se kvarovi na javnoj rasvjeti kao nalog prosljeđuju izvođačima održavanja u roku od 24 sata, a izvođači su po ugovornim odredbama dužni izaći na teren i detektovati kvar u roku od 1 sata. Ukoliko se radi o



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



većim kvarovima na sistemu javne rasvjete (prekidi napajanje, izmještanje stubova, iskopi i slično) otklanjanje kvara se vrši nakon tehničkog obilaska terena od strane stručnog savjetnika za javnu rasvjetu i izvođača i odobrenja predračuna radova. Kod rutinskih zahvata kao što je zamjena sijalica, osigurača i slično otklanjanje kvarova je u toku 24 sata od trenutka prijave kvara od strane građanina ili institucija.

Tehnički smo dužni da Vam pojasnimo slijedeće, a što je vaše konkretno pitanje : kod otklanjanja kvarova na javnoj rasvjeti vrši se " paljenje" razvodnih ormana javne rasvjete u toku dana u cilju detektovanja kvara. Nakon otklanjanja kvara na javnoj rasvjeti vrši se ponovljeno "paljenje ormana" u cilju provjere njene funkcionalnosti. Otklanjanje svih kvarova na javnoj rasvjeti se odvija u toku dnevnog svjetla tako da je povremeno "paljenje" javne rasvjete u toku dana neophodno kod otklanjanja kvarova.

Cjelodnevno upaljena javna rasvjeta na dionicima javne rasvjete je i moguća kod kvarova na uklopnim satovima kojima se vrši automatsko reguliranje paljenja i gašenja javne rasvjete. Po dobivenim prijavama u ovim slučajevima izvođači održavanja hitno djeluju i vrše popravak uklopnog sata.

S poštovanjem



Dostaviti:

1. Naslovu
2. Sekretaru SKS
3. Sekretaru Vlade Kantona Sarajevo
4. Evidencija
5. Arhiva



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

